



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres**

**Tylkowski, Wojciech**

**Oliva, 1686**

IV. Quia non solùm ipsa Religiosè scalas templi dum præsentareris  
conscendisti: sed etiam facta es Scala nostræ salutis.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

sole sub hoc pallium de tenebris culparum recipit. Merito dixit *Guericus Abbas* *serm. 1. de Assumpt.* Nequaquam crediderim majoris esse felicitatis, & glorie in sinu Abraham, quam in sinu Mariæ degere. Pallium tam vastum Virginis, ut illum texerit, quem coelum & terra non capit. Habet etiam pro illis annonam uberem, *Apud Surium 3. Jan.* Theodosius Abbas in nomine Virginis unum granum dedit amico suo Martiano, quod ita multiplicatum est, ut horreo capi non potuerit. Habet & vinum. *In annualibus Servitarum scriptum, quod sequitur.* Die natali Virginis Ordinem Servitarum Bonifilius concepit, erat verò vitis propè confita sub tempus vernum die Annuntiationis, simul protulit florem, gemmam, uvam. *S. Bernardus in salve ita orat.* Ciba hodiè pauperes tuos Domina, ipsi quoque catelli de micis tuis edunt. *S. Gaudens.* Contendite pulli generosi ad sacram offam, in qua est vita, ex cœlesti cibo mica non cadat. Vel sicut transeundum per undas. *Virgo S. ut S. Bernardus de laud. virg. num. 4.* est Arca Noe, in qua est provisio victualium, pro omni specie animalium. Extendit se hoc pallium, etiam ad cœlum, & ad purgatorium. *Alexander in Paneg. B. V. serm. 1.* Virgo nata ubi creverit, diffundet suæ charitatis flammam, sole altius, quia ad Deum ipsum, quem cinere mortalitatis operiet: sole latius, quia extra mundi fines suis gratijs fulgurabit: sole profundius, quia non aurum, neque adamantes, sed omni auro, atque adamantibus pretiosiores animas, in purgatorijs carceribus deventas, dignas thesauris Dei gemmas educet. Et ideo sole vestita, tanquam pallio. *Jer. 31. Novum fecit Dominus foemina circumdabitur.* *Nyssenus hom. 9. in Cant.* Fons hortorum est Virgo, quia non sibi tantum accepit gratiarum plenitudinem, sed in omnes omninò electos Dei, de hoc fonte innumeri cœlestium rivuli effunduntur, ut à Matre vitæ omnibus vita deflueret.

4. Quia non solum ipsa religiosè scalas templi dum presentereris conscendisti: sed etiam facta es Scala nostræ salutis.

Tulerunt sancti Parentes Virginem Sanctam in templum, ut juxta *Psalm. 90. plantata in domo Dei, in atrijs domus Dei nostri floreat.* *Damasceus lib. 4. de fide cap. 18.* In domo Domini plantata, & impinguata spiritu velut Oliva fructifera, omnis virtutis habitaculum facta est. *Bernardus hom. 2. de adventu.* Crevit in lignum vitæ, quod solum fuit dignum portare fructum salutis. Dum in templo Virgo moratur, ut docet *S. Greg. Archiep. Nicomedien. orat. de Oblat. Mariæ.* Ambrosiæ nutrimentum per Angelos accipiebat, & de esca quam de manu Angeli accipiebat, reficiebatur ipsa:

ipsa: quam verò à Pontificibus templi accipiebat, pauperibus erogabat. Quotidiè Angelus ei videbatur loqui, & quasi charissimæ Sorori, Sanctæ Matri obtemperabat. Similia apud *Andr. Cret. German. Constantinop.* Hic jam cantemus Virgini nostræ canticum graduum, conscendit scalas templi, & in capite scalæ se Deo offert: sed illam vicissim Deus facit nostræ salutis Scalam, sed tantillum ad historiam redeamus. Adductam igitur in templum nondum expleto triennio Infantem, testimonio *S. Germ. Constantinop. orat. de Oblat. Deip. Zacharias Sacerdos Pater S. Joan. Bapt. excepit*, ubi deinde per annos undecim teste *Gradio* clausa permansit procul à Parentum externorumque consortio, inter alias puellas. Tum ut *Andr. Cret. orat. 1. de dormit.* assiduò in rerum cœlestium conversatione versabatur, ubi subinde ab Angelis cibo reficiebatur, pro qua re affert *Cedrenum & Gregor. Nicomed. Censurus Mariæ lib. 1. cap. 13.* Ubi ut scripsit *Origines hom. 6. in Luc.* quotidie Prophetarum meditabatur oracula. Ibi juxta *Anselm. in ejus vita*, *Cedrenum in compend:* literas Hebraicas didicit, & inter omnes, sodales quod scripsit *Epiph. in ejus vita* præcelluit ingenio, & quidem Divina mysteria explicabat illi Gabriel Angelus ut docet *Suar. 3. p. dist. 19.* Vacavit etiam lanæ & lino, & ut ait *Martian. lib. 1.*

*Nunc lanam pingebat acu, nunc pensa traherebat  
Serica, & immissa per licia pendula filis  
Vela sacerdotum sacros texebat in usus.*

Distributionem temporis hanc fuisse vult *S. Bonav. medit. vitæ Christi cap. 3.* A prima luce ad horam diei tertiam, rebus Divinis operam dabat, inde ad meridiem operi externo intendit, vespertinas horas sacræ lectione transegit, idem sentit *Sabellius lib. 2.* Undecimo verò anno ætatis suæ Patrem octogenarium, matrem uno anno juniorem ut scribit *Cedrenus*, qui sancti Parentes sine prole annos sexaginta superârant. Id tota Ecclesia ipsi accinit, cum eam Scalam cœli canit, nobilitatem profectò quàm illa fuerit Jacobi, per quam Angeli ascendebant, & descendebant. Et certè ait *Aug. serm. 15. de tempore.* Facta est Maria Scala cœlestis, per quam Christus descendit ad terras. Addit *Fulgentius de laud. Virg.* Facta est Maria Scala cœlestis, quia, per ipsam Deus descendit ad terras, ut per ipsam homines ascendere mereantur ad cœlos. Complexus utrumque *Joannes Geometra in Greco Panassa. disticho quod sic nostra lingua habet.*

*Salve Scala polum penetrans & sidera tangens,  
Quæq; Deum nobis nos revehisq; Deo.*

Rr 2

Undè

Unde nos cum *Joann. Damasc.* 27. *Jan. ode 7.* *Silaternus* dicendo: Salve Scala per quam e terra in coelum, & ab interitu ascendimus ad vitam.

Viderat quondam *S. Franciscus* duas scaldas, unam candidam misericordie, per quam facillimo nisu multos in coelum ascendere, qui omnes ex rubea iustitie scala miserandum in modum cadebant, rubea Christus, alba Virgo diva incubabat. Nam ut *S. Salbas.* 28. *Jan. ode 1.* docet. Virgo est Porta ad vitam. Cujus rei causa habetur, apud *S. Antonin.* 4. *pt. tit. 15. c. 20. num. 12.* Quoniam per eam exivit de coelis, quidquid unquam gratiae venit in mundum: secundo quidquid boni de terris intravit in coelum (ut Sancti omnes) per ipsam ut portam intravit. Alijs verbis *S. Sophron.* 18. *Februar.* Agnoscimus te Domina pro Fonte vitae aeternae. *Anast.* 15. *Martij.* Salve profunditas, quae contemplationis acie penetrari non potest, salve Pons qui transitum praebes ad coelum, salve Scala sublimis a Jacobo spectata. *Eccl. Graeca Mev.* 2. *April.* Te velut Introitum nostrum ad regnum caeleste, omni clientum confusione seu repulsa carentem agnoscimus: igitur quam enixissime petimus, ut per tuas Maternas ad Filium preces efficias, ne aliquando spe tantae eicidere permittamur. Item *S. Joseph.* *Confess. ibid. 5. Aprilis.* Te tanquam Pontem ferentem ad coelum, qui magna facilitate transitur laude magnifica, ac perillustri colamus. *S. Damiani hom. in Nativit. Virg.* Hodie nata est Regina mundi, Fenestra coeli, Janua Paradisi, Tabernaculum Dei, Stella maris, Scala caelestis, per quam supremus Rex humiliatus ad ima descendit, & homo qui prostratus jacebat, ad superna exaltatus ascendit. *August.* *serm. 15. de temp.* Facta est certe Maria Scala caelestis, per quam Christus descendit ad terras, ut per ipsam homines mereantur ascendere ad caelos. *Richard. Vict.* *cap. 26. in Cantic.* Omnium salutem Maria desideravit, quaesivit, & obtinuit, imo & salus omnium per ipsam facta est, unde & Salus mundi dicta est. *S. Damasc.* *orat. de dormit. Virg.* Salve o Deipara, tu Paradisi claustrum nobis aperuisti, tu aditum nobis ad coelum patefecisti, tu Filio ac Deo familiares nos reddidisti. Iturus in Paradisum *Elias* pertransit *Joan. danem.* qui juxta *S. Hieron.* *Epist. ad Fabiolam* erat typus Virginis. Illa est Sponsa Dei, sponsae tradebantur jure Romanorum, & ritu, claves domus, teste *Beyerlinck* in *theatro fol. 577.* *S. Fulgent.* *serm. de laud. Virg.* Facta est Maria Fenestra coeli, quia per ipsam Deus verum fudit saeculi lumen. Facta est Maria Scala caelestis, quia per ipsam Deus descendit ad terras, ut per ipsam homines mereantur scandere ad coelum. *Ephrem de laud. B.V. Scala.* Ascensusque omnium. *Buteo.* in *hym. Graeco* Scala omnes e terra ad gratiam elevans. *Geomet.* apud *Corder.* in 1. *Luc.* Scala per quam descendit Deus, sed ascendit homo, a terra quidem incipiens, sed ad coelum pertingens. Sancta  
huc

hac Scala, in templo esse vult. Postquam templum Judæorum profanum factum est, transit ad orientalem Ecclesiam, postquam & ea per schisma polluta: Scala nostra vult esse omnino in occidente, res ut habet propono. Annus erat à nato Christo 1200. Durabat Photij, & aliorum Græcorum obstinatissimum schisma: quaterdecies reducta fuit unio, & toties pervicaciâ orientalium rupta: tradita est vindici gladio Saracenorum Græcia, non ut antea sæpius ad brevem correctionem, sed forte ad perenne servitium & ruinam, ubi jam ultima arx Ptolemis, vulgò Acon est amissa: Tum ut *Philo* loquitur Verbum Dei choros duxit: & Prussia respexit fidem, & in ea statim B. Mater Lindæ sua effundere cœpit beneficia. Respexit Livonia, respexit Lithuania, & illi statim aliquæ imagines illius favoribus clarere cœperunt, comparuit Dominicus, & Franciscus, per eam qui labantem suffulcissent occidentem. Tum anno 1291. uti *Turfellinus*, domus Lauretana à Galilæa primò in Dalmatiam, & ut lustraret sedem Ecclesiæ paulò post aliquot locos Italiæ prætergressa, stabilem fixit sedem Laureti apud Picenos. Sub idem tempus Belgio domus B. V. Hallensis benefacere cœpit, apud Hannonios: imaginem illam S. Elisabeth olim dederat filia, quæ tunc tandem anno 1267. scilicet templo illata. Sub idem tempus apud Sylvam ducis miracula proditiere in Belgio. Sub idem tempus apud Francones in Germania Diva Uvegerensis, & Vilvordiz Diva Consolatrix, Nicopeja etiam sic dicta imago B. Virginis, quod Imperatoribus non dubias solita facere victorias, qua duce Heraclius Persas, Narses. Totilam, Commenus Scythas, alter Commenus Ungaros, Justinianus, Justinus, Tyberius varios hostes præter spem orbis profligarunt, à Dandolo Venerorum Duce Venetias deduci se permisit, ut *Ramusius lib. 3. fol. 129. scripsit*: ubi hætenùs veluti Palladium asservatur. Anno 1081. apud Tungros Divinitus allata est imago B. V., clara miraculis, quæ undè allata nemo conjecerit: de favore Divæ nemo dubitaverit. Oetingana imago anno Christi 1489. ob miracula per Europam increbuit, Celenis in initium accepit anno 1157. Anno verò 1286. Venetis dicta de Schola, & reliquæ imagines in Europa pleræq; post annum 1200. clarere miraculis cœperunt. Sub idem defectionis Græcæ tempus anno 1187. Jerosolima pulsus Christianis in Saladini Ægyptij potestatem abiit, nec unquam ad nos redijt. Tum etiam imago B. V. Vicartensis in Ecclesia illustrior fieri gratijs cœpit: nempe anno 1341. quando quingenta millia Tartarorum alias Regiones Christianas populati, ibi demùm metam invenerunt. Tot deindè è Moschovia orientalium miraculose imagines in Poloniam translata: ut centenæ numerari possint. Ipla Cestochovienfis ad illa ferè tempora, si non in Græcia, saltem in Græcorum sacerdotù Belzj culta fuit, à quo

tum primum abiit Anno 1403. In Lusitania comparuit ex ebore imago B. Virginis dicta de Ademis à pastoribus reperta, & miraculis cœpit coruscare. *Gozzaga in hist. seraph. pag. 200.*

5. Quia non solum ipsa in tua gloriosissima Annuntiatione DEUM recepisti: sed etiam eundem mundo impendisti.

*Joannis 5.* fuit Jerosolymis Piscina probatica inter porticus Salomonis templo vicina, in quam Angelus semel quot annis descendebat, & turbabat aquam, quo tempore, qui primus ægrotum in aquam descendit, sanabatur. *Petrus Blesensis* B. Virginem dixit Piscinam probaticam, ad quam Angelus descendit in Annuntiatione, & turbata est in sermone ejus. Quot in hac Piscina salvati! *Ex annal. Hannon. volum. 3. cap. 19. describo, quod sequitur.* In partibus Hannoniæ fuit Comes Golceguinus, qui egit sceleratissimam vitam: sed tandem omnibus abdicatis se inclussit monasterio, hanc gratiam consecutus propter hoc solum, quia quotidie verbis Angelicis Virginem salutabat. Theodoricus Comes prædicti Comitis cognatus, mirificè vexabat bona Monialium, vidit tandem duas Moniales orantes B. Virginem, ut à Filio impetraret mortem Theodorico, respondit S. Virgo id se orare non posse, cum uxor Theodorici quotidie sexaginta salutationes Angelicas recitet, sed nihilominus expectarent aliquantulum daturum Comitem poenas: interea facit Comes divortium cum sua uxore, & ecce cum venationi indulget, capitur ab hostibus, & occiditur. Hinc fortè S. *Ides. serm. 4. de Assumpt.* vocat Virginem magnam Misericordiam tuam, est magna Misericordia, quia ut *Bernard. serm. 4. de Assumpt.* totius mundi reparationem obtinuit, & salutem omnium impetravit. Christum nobis datum, & nos, & Angeli fontem beneficiorum, verum accepimus, ab illius autem consensu Incarnatio pendebat. *Tertius Guilielm. in 4. Cantic.* Deus misit Gabrielem ad B. Virginem, ut ei Mysterium Incarnationis, & Redemptionis panderet, atque ejus consentum flagitaret: nolebat enim Omnipotens carnem sumere ex ipsa, non dante ipsa, insuper meruit illum de congruo, ut docent *Theologi.* Undè *Damasc. orat. 1. de Nativit.* ait dignam fuisse B. Virginem Filium habere Creatorem. Adhuc annum ætatis duodecimum agebat Virgo, cum promissum accepit se Matrem Dei olim futuram. *Verba in Mariali ex Cedreno affert hujusmodi Censura.* Ad annum ætatis suæ duodecimum Virgo Sacra pervenerat, cum mediâ nocte pijs precationibus incumbens vocem Divinitus ad se prolatam audivit: *Parvo Fili-*